

姓婆羅門大姓居士大家四天王天乃至阿迦尼吒諸天須陀洹果乃至阿羅漢果辟支佛道菩薩摩訶薩無上佛道轉法輪成就衆生淨佛世界

論釋曰上帝釋答佛言供養般若福德甚多更有大天以帝釋非一切智人故所說或錯

是以佛即可所說言如是如是問曰若般若波羅蜜相一切諸觀滅語言道斷不生不滅如虛空相今何以說般若在世者三寶不滅答曰般若波羅蜜體性有佛無佛常住不滅此言在世者所謂般若經卷可修習讀誦者是因中說果譬如井深縷短不及便言失井

井寶不失般若波羅蜜實相如深井經卷名爲縷行者不能書寫修習故言滅問曰若說三寶盡攝一切善人善法何以復言般若在世者世間有十善道乃至一切種智答曰此諸法及諸道皆廣解三寶中義佛寶者佛法所攝無學五衆法寶者第三諦所謂涅槃除

四沙門所攝學無學功德餘殘辟支佛功德菩薩功德僧寶者四向四得學無學五衆餘十善道四禪四無量等皆是道方便門是故別說

十三步

大智度論卷第五十七

形七

盞道上音料理上音溺水的蟹呼各反一音釋雇故音
校教縷古猛反梨姑下昌反

大智度論卷第五十八

形八

龍樹菩薩造 姚秦三藏法師鳩摩羅什譯

釋勸持品第三十四

經爾時三千大千世界所有四天王天乃至阿迦尼吒天語釋提桓因諸天言應受是般若波羅蜜應持應親近應讀誦說正憶念何

王其

以故受持般若波羅蜜乃至正憶念故一切所修集善法當具足滿增益諸天衆減損阿脩羅諸天子受持般若波羅蜜乃至正憶念故佛種不斷法種僧種不斷佛種法種僧種不斷故世間便有檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜皆現於世四念處乃至十八不共法菩薩道皆現於世須陀洹果斯陀含果阿那含果阿羅漢果辟支佛道佛道須陀洹乃至佛皆現於世爾時佛告釋提桓因憍尸迦汝當受是般若波羅蜜持讀誦說正憶念何以故若諸阿脩羅生惡心欲與三十三天共鬭憍尸迦汝爾時當誦念般若波羅蜜諸阿脩羅惡心即滅更不復生憍尸迦若諸天子天女五死相現時當墮不如意處汝當於其前誦讀般若波羅蜜是諸天子天女聞般若波羅蜜功德力故還生本處何以故聞般若波羅蜜有大利益故復次憍尸迦若有善男子善

女人若諸天子天女聞是般若波羅蜜經耳是功德故漸當得阿耨多羅三藐三菩提何以故憍尸迦過去諸佛及弟子皆學是般若波羅蜜得阿耨多羅三藐三菩提入無餘涅槃憍尸迦未來世諸佛今現在十方諸佛及弟子皆學是般若波羅蜜得阿耨多羅三藐三菩提入無餘涅槃何以故憍尸迦是般若波羅蜜攝一切善法若聲聞法若辟支佛法若菩薩法若佛法釋提桓因白佛言世尊般若波羅蜜是大明呢無上明呢無等等明呢何以故世尊是般若波羅蜜能除一切不善法能與一切善法佛語釋提桓因如是如是憍尸迦般若波羅蜜是大明呢無上明呢無等等明呢何以故憍尸迦過去諸佛因是明呢故得阿耨多羅三藐三菩提未來世諸佛今現在十方諸佛亦因是明呢得阿耨多羅三藐三菩提因是明呢故世間便有十善道便有四禪四無量心四無色定便有檀波羅蜜

蜜乃至般若波羅蜜四念處乃至十八不共法便有法性如法相法住法位實際便有五眼須陀洹果乃至阿羅漢果辟支佛道一切智一切種智憍尸迦菩薩摩訶薩因緣故十善出於世間四禪四無量心乃至一切種智須陀洹乃至諸佛出於世間譬如滿月照明

星宿亦能照明如是憍尸迦一切世間善法正法十善乃至一切種智若諸佛不出時皆從菩薩生是菩薩摩訶薩方便力皆從般若波羅蜜生菩薩摩訶薩以是方便力行檀波羅蜜乃至禪波羅蜜內空乃至無法有法空四念處乃至十八不共法不證聲聞辟支佛地成就衆生淨佛世界壽命成就世界成就菩薩眷屬成就得一切種智皆從般若波羅蜜生復次憍尸迦若善男子善女人聞般若波羅蜜受持親近乃至正憶念是人當得今世後世功德釋提桓因白佛言世尊何等是善男子善女人受持般若波羅蜜乃至正憶

念得今世功德佛告釋提桓因若有善男子善女人受持般若波羅蜜乃至正憶念終不中毒死兵刃不傷水火不害乃至四百四病所不能中除其宿命業報復次憍尸迦若有官事起是善男子善女人讀誦般若波羅蜜故往到官所官不譴責何以故是般若波羅蜜威力故若善男子善女人讀誦是般若波羅蜜到王所若太子大臣所王及太子大臣皆歡喜問訊和意與語何以故是諸善男子善女人常有慈悲喜捨心向衆生故憍尸迦若善男子善女人受持般若波羅蜜乃至正憶念得如是等種種今世功德憍尸迦何等是善男子善女人後世功德是善男子善女人終不離十善道四禪四無量心四無色定六波羅蜜四念處乃至十八不共法是人終不墮三惡道受身完具終不生貧窮下賤工師除廁人擔死人家常得三十二相常得化生諸現在佛界終不離菩薩神通若欲從一

卷八

三

王

佛界至一佛界供養諸佛聽諸佛法即得隨意所遊佛界成就衆生淨佛世界漸得阿耨多羅三藐三菩提。提橋尸迦是名後世功德以是故橋尸迦善男子善女人應當受持般若波羅蜜親近讀誦說正憶念華香乃至娛樂供養常不離薩婆若心是善男子善女人乃至阿耨多羅三藐三菩提得今世後世功德

成就

論釋曰佛是法王讚嘆受持般若波羅蜜者已次天王釋讚釋讚已今次諸天讚以多衆讚故令人信心轉深作是言應受持是般若波羅蜜此中說受持因緣修諸功德增益諸天減損阿脩羅三寶不斷六波羅蜜等諸功德出現於世爾時佛可諸天讚告釋言汝受持是般若波羅蜜此中說因緣若阿脩羅生惡心欲共三十三天鬪汝爾時讀誦般若者惡心即滅若二陣相對時讀誦般若者阿脩羅即退去問曰若爾者何以不常誦般若令

阿脩羅惡心不生何故乃使兩陣相對答曰諸天多著福樂染欲心利雖知般若有大功德不能常誦故又以忉利天不淨業因緣故致有怨敵不得不鬪諸天命欲終時五死相現一者華冠萎二者腋下汗出三者蠅來著身四者見更有天坐已坐處五者自不樂本形八

四

王

座諸天見是死相念惜天樂見當生惡處心懷憂毒爾時若聞般若波羅蜜實相諸法虛誑無常空寂信是佛法心清淨故還生本處是天人不但還生本處以聞般若故世世受福樂漸成無上道此中因緣如經說般若波羅蜜爲大明呢者是問曰釋提桓因何以故名般若爲大明呢答曰諸外道聖人有種種呪術利益民人誦是呪故能隨意所欲使諸鬼神諸仙人有是呪故大得名聲人民歸伏貴呪術故是以帝釋白佛言諸呪術中般若波羅蜜是大呪術何以故能常與衆生道德樂故餘呪術樂因緣能起煩惱又不善業故

墮三惡道復次餘呪術能隨貪欲瞋恚自在作惡是般若波羅蜜呪能滅禪定佛道涅槃諸著何況貪恚鹿病是故名爲大明呪無上呪無等等呪復次是呪能令人離老病死能立衆生於大乘能令行者於一切衆生中最

大是故言大呪能如是利益故名爲無上先

有仙人所作呪術所謂能知他人心呪名抑又尼能飛行變化呪名捷陀黎能住壽過千歲萬歲呪於諸呪中無與等於此無等呪術中般若波羅蜜過出無量故名無等等復次諸佛法名無等般若波羅蜜得佛因緣故言無等等復次諸佛於一切衆生中名無等是

形八

五

王

般若呪術佛所作故名無等等呪復次此經中自說三呪因緣所謂是呪能捨一切不善法能與一切善法佛順其所歎故言如是如是亦更廣其所讚所謂因般若故出生十善道乃至諸佛是般若波羅蜜屬菩薩故佛說譬喻諸佛能大破無明闇故如滿月菩薩破

暗不如故如星宿如夜中有所見皆是星月力世間生死夜中有所知見皆是佛菩薩力若世無佛爾時菩薩說法度衆生著人天樂中漸漸令得涅槃樂菩薩所有智慧皆是般若波羅蜜力復次是菩薩雖行三十七品十八空知諸法畢竟不可取亦不證聲聞辟支

佛道而能還起善法教化衆生淨佛世界壽命具足等皆是方便般若波羅蜜力若是人能受持般若乃至正憶念得今世後世功德今世功德者所謂終不中毒死等問曰先已說不橫死今何以更說答曰先已說般若波羅蜜不一會中說此爲後來者更爲說復次刀毒水火有二種有他作有自作先說他加兵毒水火等今爲不自傷何以知之次說四百四病故知上雖說人不能得其便不說其人還恭敬供養四百四病者四大爲身常相侵害一一大中百一病起冷病有二百二水風起故熱病有二百二地火起故火熱相地

堅相堅相故難消故能起熱病血肉筋脉骨髓等地分除其業報者一切法和合因緣生無有作者無有作者故必受業報佛所不能救何況般若必受業報不必受業報先已說官事起者誦般若波羅蜜力故隨起皆滅問曰先說人不能得便今何以復更說答

曰先雖說人不能得便不說國王大臣等既不能得便還復恭敬供養何以故是菩薩常有慈悲喜捨心向衆生故後世功德者世世所生常不離十善道等是故常不墮惡道是人折伏惡心故受身完具不生下賤等家學佛所學道故得變化身似佛有三十二相八

形八

六

王

十隨形好常得化生現在佛國者隨心所到十方世界供養諸佛聽受諸法教化衆生漸漸得成佛道是故行者聽聞受持乃至正憶念不離薩婆若心如是得今世後世功德大智度論釋梵志品第三十五

經爾時諸外道梵志來向佛所欲求佛短是

形八

七

王

時釋提桓因心念是諸外道梵志來向佛所欲求佛短我今當誦念從佛所受般若波羅蜜是諸外道梵志等終不能中道作礙斷說般若波羅蜜釋提桓因作是念已即誦般若波羅蜜是時諸外道梵志遙遶佛復道還去時舍利弗心念是中何因緣諸外道梵志遙遠佛復道還去佛知舍利弗心念告舍利弗是釋提桓因誦念般若波羅蜜以是因緣故諸外道梵志遙遠佛復道還去舍利弗我不見是諸外道梵志一念善心是諸外道梵志但持惡心來說索佛短舍利弗我不見說般若波羅蜜時一切世間若天若魔若梵若沙門衆婆羅門衆中有持惡意來能得短者何以故舍利弗是三千大千世界中諸四天王天乃至阿迦尼吒天諸聲聞辟支佛諸菩薩摩訶薩守護是般若波羅蜜所以者何是諸天人皆從般若波羅蜜中生故復次舍利弗十方如恒河沙等世界中諸佛及聲聞辟支

佛菩薩摩訶薩諸天龍鬼神等皆守護是般若波羅蜜所以者何是諸佛等皆從般若波羅蜜中生故爾時惡魔心念今佛四衆現前集會亦有欲界色界諸天子是中必有菩薩摩訶薩授記當得阿耨多羅三藐三菩提我寧可至佛所破壞其意是時惡魔化作四種

兵來至佛所爾時釋提桓因心念是四種兵或是惡魔化作欲來向佛何以故是四種兵嚴飾頻婆娑羅王四種兵所不類波斯匿王四種兵亦不類諸釋子四種兵諸梨昌四種兵皆亦不類是惡魔長夜索佛便欲惱衆生我寧可誦念般若波羅蜜釋提桓因即時誦念般若波羅蜜惡魔如所誦聞漸漸復道還去爾時會中四天王諸天子乃至阿迦尼吒諸天子化作天華於虛空中而散佛上作是言世尊願令般若波羅蜜久住閻浮提所以者何閻浮提人受持般若波羅蜜隨所住時佛寶不滅法寶僧寶亦住不滅爾時十方如

恒河沙等世界中諸天亦散華作是言世尊願令般若波羅蜜久住閻浮提若般若波羅蜜久住佛法僧亦當久住亦分別知菩薩摩訶薩道復次所在住處有善男子善女人書持般若波羅蜜經卷是處則爲照明已離衆冥佛告釋提桓因等諸天子如是如是憍尸迦及諸天子閻浮提人受持般若波羅蜜隨所住時佛寶如是住法寶僧寶亦如是住乃至所在住處善男子善女人有書持般若波羅蜜經卷是處則爲照明已離衆冥爾時諸天子化作天華散佛上作是言世尊若有善男子善女人受持般若波羅蜜乃至正憶念魔若魔天不能得其便世尊我等亦當擁護是善男子善女人何以故若善男子善女人受持般若波羅蜜乃至正憶念我等親是人即是佛若次佛是時釋提桓因白佛言世尊善男子善女人受持般若波羅蜜乃至正憶念者當知是人先世於佛所作功德多親近

卷八

供養諸佛爲善知識所護世尊諸佛一切智應當從般若波羅蜜中求般若波羅蜜亦當從一切智中求所以者何般若波羅蜜不異一切智一切智不異般若波羅蜜般若波羅蜜一切智不二不別是故我等視是人即是佛若次佛佛告釋提桓因如是如是憍尸迦

諸佛一切智即是般若波羅蜜般若波羅蜜即是一切智何以故憍尸迦諸佛一切智從般若波羅蜜中生般若波羅蜜不異一切智一切智不異般若波羅蜜般若波羅蜜一切智不二不別

●論釋曰上品中說聞受般若者魔若魔民外

道梵志不得其便今欲現證驗故以威神感致衆魔及諸外道是以外道梵志作是念佛在耆闐崛山中說般若波羅蜜所謂諸法畢竟空無所有以引致十方衆生我等共往難問破此空論其論若破佛則自退我等還得如本是諸外道但有邪見惡心憍慢故來欲

出是畢竟清淨般若波羅蜜過罪譬加狂人欲中傷虛空徒自疲苦爾時帝釋如佛教受持般若外道不能得便今欲驗實令人信知故帝釋無量福德成就以天利根深信般若即時誦念得般若力故外道遶佛復道而去問曰何以不直還方遶佛而去答曰以般

卷八

九

王

若神力故於遠處降伏作是念佛衆威德甚大我等今往徒自困辱無所成辦我等今若遙見直去人當謂我等怯弱來而空去以是故詐現供養遶佛復道而去舍利弗本是梵志見諸外道遠處而去心少憐愍不能以小事故入三昧求知作是念此諸外道何因緣來竟不蒙度而空還去佛言是般若波羅蜜力舍利弗意念佛以般若波羅蜜無事不濟云何令此外道空來而去佛知舍利弗所念語舍利弗是諸梵志乃至無一念善心但持惡意邪見著心欲求諸法定相是故不中度譬如必死之病雖有良醫神藥不能救濟舍

利弗說般若波羅蜜時非但此梵志一切世間人持惡心來不能得便何以故一切諸佛及諸菩薩諸天常守護般若故所以者何諸佛菩薩天人作是念我等皆從般若生故魔來欲難問破壞亦如是是時會中諸天子先聞般若功德今現證驗心大歡喜化華供養

作是願令般若波羅蜜父住闍浮提是事如下廣說佛即印可諸天於佛前自誓言行者若聞受持般若波羅蜜乃至正憶念我等常當守護所以者何我等視是人如佛若次佛如佛者法性身住阿鞞跋致得無生法忍乃至十地次佛者肉身菩薩能說般若波羅蜜及其正義爾時帝釋以先世因緣所集功德智慧讚是菩薩此中更說讚嘆因緣諸佛一切種智應從般若中求者菩薩行般若波羅蜜具足故得佛時般若變成一切種智故言一切種智當從般若中求佛能說般若波羅蜜故言般若波羅蜜當從一切智中求譬如

乳變爲酪離乳無酪亦不得言乳即是酪般若波羅蜜變爲一切種智離般若亦無一切種智亦不得言般若即是一切種智般若與一切種智作生因一切種智與般若作說因果不相離故言不二不別

大智度論釋尊導品第三十六

形八

十

王

經爾時慧命阿難白佛言世尊何以故不稱譽檀波羅蜜尸羅波羅蜜羼提波羅蜜毗梨耶波羅蜜禪波羅蜜乃至十八不共法但稱譽般若波羅蜜佛告阿難般若波羅蜜於五波羅蜜乃至十八不共法爲尊導阿難於汝意云何不迴向薩婆若布施得稱檀波羅蜜不不也世尊不迴向薩婆若尸羅羼提毗梨耶禪智慧是般若波羅蜜不不也世尊以是故知般若波羅蜜於五波羅蜜乃至十八不共法爲尊導是故稱譽阿難白佛言世尊云何布施迴向薩婆若作檀波羅蜜乃至作般若波羅蜜佛告阿難以無二法布施迴向薩

婆若名檀波羅蜜以不生不可得迴向薩婆若布施是名檀波羅蜜乃至以無二法智慧迴向薩婆若是名般若波羅蜜以不生不可得迴向薩婆若智慧是名般若波羅蜜阿難白佛言世尊云何以不二法迴向薩婆若布施是名檀波羅蜜乃至以不二法迴向薩

婆若智慧是名般若波羅蜜佛告阿難以色不二法故受想行識不二法故乃至阿耨多羅三藐三菩提不二法故世尊云何色不二法乃至阿耨多羅三藐三菩提不二法佛言色色相空何以故檀波羅蜜色不二不別乃至阿耨多羅三藐三菩提檀波羅蜜不二不

形八

十

王

別五波羅蜜亦如是以是故阿難但稱譽般若波羅蜜於五波羅蜜乃至一切種智爲尊導阿難譬如意以種散中得因緣和合便生是諸種子依地而生如是阿難五波羅蜜依般若波羅蜜得生四念處乃至一切種智亦依般若波羅蜜得生以是故阿難般若波羅

蜜爲五波羅蜜乃至十八不共法尊導爾時釋提桓因白佛言世尊佛說善男子善女人受持般若波羅蜜乃至正憶念者功德未盡何以故受持般若波羅蜜乃至正憶念則受三世諸佛無上道所以者何欲得薩婆若當從般若波羅蜜中求欲得般若波羅蜜當從

薩婆若中求世尊受持般若波羅蜜乃至正憶念故十善道現於世間四禪四無量心四無色定乃至十八不共法現於世間受持般若波羅蜜乃至正憶念故世間便有利大姓婆羅門大姓居士大家四天王天乃至阿迦尼吒諸天受持般若波羅蜜乃至正憶念故便有須陀洹乃至阿羅漢辟支佛菩薩摩訶薩受持般若波羅蜜乃至正憶念故諸佛出於世間爾時佛告釋提桓因憍尸迦善男子善女人受持般若波羅蜜乃至正憶念我不說但有爾所功德何以故憍尸迦是善男子善女人受持般若波羅蜜乃至正憶念不

離薩婆若心無量戒衆成就定衆慧衆解脫衆解脫知見衆成就復次憍尸迦是善男子善女人能受持般若波羅蜜乃至正憶念不離薩婆若心當知是人爲如佛復次憍尸迦一切聲聞辟支佛所有戒衆定衆慧衆解脫衆解脫知見衆不及是善男子善女人成衆

乃至解脫知見衆百分千分千億万分乃至等數譬喻所不能及何以故善男子善女人於聲聞辟支佛地中心得解脫更不求大乘法故復次憍尸迦若有善男子善女人書持般若波羅蜜經卷供養恭敬尊重華香瓊瑤乃至妓樂亦得今世後世功德爾時釋提桓

形八

十一

因白佛言世尊是善男子善女人受持般若波羅蜜乃至正憶念不離薩婆若心供養般若波羅蜜恭敬尊重華香乃至妓樂我常當守護是人

論釋曰阿難雖多聞力能分別空而未離欲故不能深入雖常侍佛不數問難空事今佛

讚歎般若波羅蜜亦讚歎行者是故阿難白佛言世尊何以不稱歎餘波羅蜜及諸法而獨稱歎般若波羅蜜問曰佛從初以來常說六波羅蜜名今阿難何以言不稱說答曰雖說名字不爲稱美皆爲入般若中故說佛語阿難一切有爲法中智慧第一一切智慧中度彼岸般若波羅蜜第一譬如行路雖有衆伴導師第一般若亦如是雖一切善法各各有力般若波羅蜜能示導出三界到三乘若無般若波羅蜜雖行布施等善法隨受業行果報有盡以有盡故尚不能得小乘涅槃何況無上道若布施等善法能觀如佛道相不二不生不滅不得不失畢竟空寂是名迴向薩婆若是布施福世世常受果報而不盡後當得一切種智如布施一切法亦如是相問曰佛何以答不二因緣還以不二解答曰阿難不問不二因緣但問何法不二是故佛答色等諸法不二故般若波羅蜜能令五事等

形八

十三

作波羅蜜故但稱譽般若波羅蜜佛欲令是義了了易解故作是喻譬如大地能生萬物般若波羅蜜亦如是能持一切善法種子者從發心來除般若波羅蜜餘一切善法是因緣和合者是佛道中一心信忍精進不休不息欲受通達不壞有如是等法事得成辦者是增長者從發心起學諸波羅蜜從一地至一地乃至佛地是問曰帝釋何以故言佛說行者受持般若功德未盡答曰般若波羅蜜無量無邊功德亦無量無邊說未究竟中間外道梵志及魔來故傍及異事今還欲續聞帝釋深受福德果報樂聞般若功德聽無厭足今更欲聞說故自說因緣世尊若人受持般若波羅蜜乃至正憶念則受三世諸佛無上道功德智慧所以者何般若中應求一切種智一切種智中應求般若如上品末說諸行者若受持般若發心求阿耨多羅三藐三菩提爲度衆生故集般若波羅蜜等諸功德

所謂十善道乃至十八不共法現於世間是善法因緣故有利益大姓乃至諸佛佛告天帝是人不但得如上功德亦得無量戒衆等功德戒衆者是菩薩行般若波羅蜜於一切衆生中修畢竟無畏施衆生十方中數無量無邊三世中數亦無量無邊六道四生種類各各相亦無量無邊於此無量無邊衆生中施第一所愛衆物所謂壽命是故得無量戒衆果報如是不殺等戒但說名字則二百五十毗尼中略說則八萬四千廣說則無量無邊是戒凡夫人或一日受或一世或百千萬世菩薩世世於一切衆生中施無畏乃至入無餘涅槃是名無量戒衆乃至解脫知見衆亦如是隨義分別是五衆功德勝於二乘不可計量若人書寫供養般若波羅蜜得今出後世功德問曰今世後世功德深重書持供養輕微云何得二世功德答曰供養有二種一者効他供養二者深心供養知般若功德

深心供養故得二世功德是般若有種種門入若聞持乃至正憶念者智慧精進門入書寫供養者信及精進門入若一心深信則供養經卷勝若不一心雖受持而不如復次有如意寶珠是無記色法無心無識以衆生福德因緣故生有人供養者能令人隨意所得

何況般若波羅蜜是無上智慧諸佛之母諸法寶中是第一寶若人如所聞一心信受供養云何不得二世功德但人不一心供養又先世重罪故雖供養般若而不得如上功德般若無咎

經佛告釋提桓因橋尸迦是善男子善女人欲讀誦說般若波羅蜜時無量百千諸天皆來聽法是善男子善女人說般若波羅蜜法諸天子益其膽力是諸法師若疲極不欲說法諸天益其膽力故便能更說善男子善女人受持是般若波羅蜜乃至正憶念供養華香乃至娛樂故亦得是今世功德復次橋尸迦是善男子善女人受持般若波羅蜜乃至正憶念書持經卷華香供養乃至旛蓋是人爲父母所愛宗親知識所念諸沙門婆羅

迦是善男子善女人於四部衆中說般若波羅蜜時心無怯弱若有論難亦無畏想何以故是善男子善女人爲般若波羅蜜所護持故般若波羅蜜中亦分別一切法若世間若出世間若有漏若無漏若善若不善若有爲若無爲若聲聞法若辟支佛法若菩薩法若

形八

十五

王

佛法善男子善女人住內空乃至住無法有法空故不見有能難般若波羅蜜者亦不見受難者亦不見般若波羅蜜如是善男子善女人爲般若波羅蜜所護持故無有能難壞者復次善男子善女人受持般若波羅蜜乃至正憶念時不沒不畏不怖何以故是善男

子善女人不見是法沒者恐怖者橋尸迦善男子善女人受持般若波羅蜜乃至正憶念華香供養乃至旛蓋亦得是今世功德復次橋尸迦善男子善女人受持般若波羅蜜乃至正憶念書持經卷華香供養乃至旛蓋是人爲父母所愛宗親知識所念諸沙門婆羅

門所敬十方諸佛及菩薩摩訶薩辟支佛阿羅漢乃至須陀洹所愛敬一切世間若天若魔若梵及阿脩羅等皆亦愛敬是人行檀波羅蜜檀波羅蜜無有斷絕時尸羅波羅蜜羼提波羅蜜毗梨耶波羅蜜禪波羅蜜般若波羅蜜亦無有斷絕時修內空不斷乃至修無法有法空不斷修四念處不斷乃至修十八不共法不斷修諸三昧門不斷修諸陀羅尼門不斷諸菩薩神通不斷成就衆生淨佛世界不斷乃至修一切種智不斷是人亦能降伏難論毀謗善男子善女人受持般若波羅蜜乃至正憶念不離薩婆若心書持經卷華香供養乃至旛蓋亦得是今世後世功德復次憍尸迦善男子善女人書持經卷在所住處三千大千世界中所有諸四天王天發阿耨多羅三藐三菩提心者皆來到是處見般若波羅蜜受讀誦說供養禮拜還去三十三天夜摩天兜率陀天化樂天他化自在天梵

衆天梵輔天梵會天大梵天光天少光天無量光天光音天淨天少淨天無量淨天遍淨天無陰行天福德天廣果天發阿耨多羅三藐三菩提心者皆來到是處見般若波羅蜜受讀誦說供養禮拜還去淨居諸天所謂無誰天無熱天妙見天喜見天色究竟天皆來到是處見是般若波羅蜜受讀誦說供養禮拜還去復次憍尸迦十方世界中諸四天王天乃至廣果天發阿耨多羅三藐三菩提心及淨居天并餘諸天龍鬼神捷闡婆阿脩羅迦樓羅緊那羅摩睺羅伽亦來見般若波羅蜜受讀誦說供養禮拜還去是善男子善女人應作是念十方世界中諸四天王天乃至廣果大發阿耨多羅三藐三菩提心及淨居天并餘諸天龍鬼神捷闡婆阿脩羅迦樓羅緊那羅摩睺羅伽來見般若波羅蜜受讀誦說供養禮拜我則法施已憍尸迦大千大千世界中所有諸四天王天乃至阿迦尼吒天

卷六

十六

五

及十方世界中諸四天王天乃至阿迦尼吒天發阿耨多羅三藐三菩提心者護持是善男子善女人諸惡不能得便除其宿命重罪
橋尸迦是善男子善女人亦得是今世功德所謂諸天子發阿耨多羅三藐三菩提心皆來到是處何以故橋尸迦諸天子發阿耨多

羅三藐三菩提心欲救護一切衆生不捨一切衆生安樂一切衆生故爾時釋提桓因白佛言世尊善男子善女人云何當知諸四天王天乃至阿迦尼吒天來及十方世界中諸四天王天乃至阿迦尼吒天來見般若波羅蜜受讀誦說供養禮拜時佛告釋提桓因橋

形八

十七

尸迦若善男子善女人見大淨光明必知有大德諸天來見般若波羅蜜受讀誦說供養禮拜時復次橋尸迦善男子善女人若聞異妙香必知有大德諸天來見般若波羅蜜受讀誦說供養禮拜時復次橋尸迦善男子善女人行淨潔故諸天來到其處見般若波羅

蜜受讀誦說供養歡喜禮拜是中有小鬼輩即時出去不能堪任是大德諸天威德故以是大德諸天來故是善男子善女人生大心以是故般若波羅蜜所住處四面不應有諸不淨應然燈燒香散衆名華衆香塗地衆蓋幡幢種種嚴飾復次橋尸迦善男子善女人說法時終無疲極自覺身輕心樂隨法偃息卧覺安隱無諸惡夢夢中見諸佛三十二相八十隨形好比丘僧恭敬圍遶說法在諸佛邊聽受法教所謂六波羅蜜四念處乃至十八不共法分別六波羅蜜義四念處乃至十八不共法亦分別其義亦見菩提樹莊嚴殊妙見諸菩薩趣菩提樹得阿耨多羅三藐三菩提見諸佛成已轉法輪見百千萬菩薩共集法論義應如是求薩婆若應如是成就衆生應如是淨佛世界亦見十方無數百千萬億諸佛亦聞其名号某方某界某佛若干百千萬億菩薩若干百千萬億聲聞恭敬圍遶

說法復見十方無數百千萬億諸佛般涅槃復見無數百千萬億諸佛七寶塔見供養諸塔恭敬尊重讚歎華香乃至幡蓋憍尸迦是善男子善女人見如是善夢卧安覺安諸天益其氣力自覺身體輕便不大貪著飲食衣服臥具湯藥於此四供養其心輕微譬如比丘坐禪從禪定起心與定合不貪著飲食其心輕微何以故憍尸迦諸天法應以諸味之精益其氣力故十方諸佛及天龍鬼神阿脩羅捷闍婆迦樓羅緊那羅摩睂羅伽亦益其氣力如是憍尸迦善男子善女人欲得今世如是功德應當受持般若波羅蜜親近讀誦

(五八)

(十八)

(五)

說正憶念亦不離薩婆若心憍尸迦善男子善女人雖不能受持乃至正憶念應當書持經卷恭敬供養尊重讚歎華香瓔珞乃至幡蓋憍尸迦若善男子善女人聞是般若波羅蜜受持讀誦說正憶念書寫經卷恭敬供養尊重讚歎華香乃至幡蓋是善男子善女人

功德甚多勝於供養十方諸佛及弟子衆恭敬尊重讚歎衣服飲食臥具湯藥諸佛及弟子般涅槃後起七寶塔恭敬供養尊重讚歎華香乃至幡蓋

論問曰天上自有般若何以來至說法人所益其膽力答曰天上雖有般若諸天憐愍衆生故來來則惡鬼遠去益法師膽力令其樂說又使衆生益加信敬以是故來有人言天

甘露味微細沾洽能入毛孔使善男子四大諸情柔軟輕利樂有所說問曰一切說般若者皆得諸天甘露味令其樂說不答曰不也若有行者一心求佛道折伏結使衣服淨潔

所說法處清淨華香幡蓋香水灑地無諸不淨是故諸天歡喜亦利益諸聽者說法者雖不多讀內外經書深入般若波羅蜜義故心不怯弱不沒不恐不畏何以故般若波羅蜜中無有定法可執可難可破故復次是般若波羅蜜中亦分別說諸法世間出世間常無

(五九)

(十九)

(五)

常善不善等無法不有以備有諸法故不怯
不畏若但有一法則多所闕故有恐畏是善
薩行般若波羅蜜煩惱折薄諸福德增益熏
身故威德可敬身是功德住處故雖形體醜
陋無所能作猶爲人所愛重何況自然端正
能利益人問曰若諸佛沙門婆羅門所愛重

可爾父母愛念何足禡答曰人雖父母所生
不順父母教則不愛念菩薩於恭敬之中倍
復殊勝供養恭敬尊重道德故沙門婆羅門
愛敬平實至誠口不妄言深愛後世功德不
著今世樂接養下人不自高大若見他有過
尚不說其實何況譏毀若必不得已終不盡
說給恤孤窮不私附已如是等事皆是般若
波羅蜜力是人功德遠聞故諸天世人皆所
愛敬是供養般若波羅蜜故世常得六波
羅蜜等無有斷絕時是人福德智慧名聞故
若有問難毀謗悉能降伏復次諸天爲供養
般若波羅蜜故來至般若所住處復次山河

樹木土地城郭一切鬼神皆屬四天王四天
王來故皆隨從共來是諸鬼神中有不得般
若經卷者是故來至般若波羅蜜處供養讚
誦禮拜亦爲利益善男子故此亦是今世功
德以諸天善神來故天帝破肉眼人疑故問
云何知大德天來時見大光明若聞殊異之

香亦以如先說住處清淨故問曰人身不淨
內充外淨何益答曰淨其住處及以衣服則
外無不淨外無不淨故諸天歡喜譬如國王
大人來處羣細庶民避去諸大德天來小鬼
去亦如是大天威德重故舊住小鬼避去是
諸大天來近故是人心則清淨廣大行者若
欲令大德天來當如經所說惡鬼遠去故身
心輕便所以者何近諸惡鬼令人身心漸惡
譬如近瞋人喜令人瞋近美色則令人好色
情發是人內外惡因緣遠離故卧安覺安無
諸惡夢若夢但見諸佛如經所說問曰般若
波羅蜜在佛身中若供養一佛則供養般若

波羅蜜何以言供養十方佛不如供養般若

波羅蜜答曰供養著心若供養佛取人相人畢竟不可得以取相故福田雖大而功德薄

少供養般若波羅蜜者則如所聞般若中不取人相不取法相用是心供養故福德大復次般若波羅蜜是一切十方諸佛母亦是諸佛師諸佛得是身三十二相八十隨形好及無量光明神通變化皆是般若波羅蜜力以是故供養般若波羅蜜勝以是等因緣故勝供養十方諸佛非不敬佛

大智度論卷第五十八

形八

中毒能中二中字並去聲訊音信完戶官爲腋音萎鳥亦音
蠅余陵抑意力匿尾力怯弱上上去劫反散中亦作散
上正作糞膽丁反散僵反輕便下平恤正作辛反

反律

大智度論卷第五十九

形九

龍樹菩薩造
姚秦三藏法師鳩摩羅什譯
釋舍利品第三十七

佛告釋提桓因言憍尸迦若滿闇浮提佛舍利作一分復有人書般若波羅蜜經卷作一分二分之中汝取何所釋提桓因白佛言

孫漢甫

世尊若滿闇浮提佛舍利作一分般若波羅蜜經卷作一分二分之中我寧取般若波羅蜜經卷何以故世尊我於佛舍利非不恭敬非不尊重以舍利從般若波羅蜜中生般若波羅蜜熏修故是舍利得供養恭敬尊重讚嘆爾時舍利弗問釋提桓因憍尸迦是般若

波羅蜜不可取無色無形無對一相所謂無相汝云何欲取何以故是般若波羅蜜不爲取故出不爲捨故出不爲增減聚散損益垢淨故出是般若波羅蜜不與諸佛法不捨凡人法不與辟支佛法阿羅漢法學法不捨凡人法不與無爲性不捨有爲性不與內空乃